

Diin ang mga Patay? (Bahin 1)

Ginbase sa kapitulo 6 sang *Ano Gid ang Ginatudlo sang Biblia?* nga makita sa jw.org/hil.

KATUYUAN: Mabinagbinag ang imo mga ginapatihan kag kon ngaa ginapatihan mo ini, mausisa ang ginatudlo sang Biblia, kag makita kon paano mo mapaathag ang imo ginapatihan sa iban.



ANO ANG NAGAKATABO KON MAPATAY KITA?



BINAGBINAGA ANG IMO MGA GINAPATIHAN

Ano sa banta mo ang isiling sang iban?

Ano ang *imo* ginapatihan?

Ngaa ginapatihan mo ini?

2

USISAA ANG GINATUDLO SANG BIBLIA


Kon mapatay kita, wala na kita nagaluntad.

(Tan-awa ang kapitulo 6 sang libro nga *Ginatudlo sang Biblia*, parapo 1-6.)

Basaha ang Manugwali 9:5, 10.

Paano ginapakita sina nga mga bersikulo nga wala kita sing imortal nga kalag?

Ano nga halimbawa ang nagapamatuod nga kon mapatay ang isa ka tawo, wala na sia nagaluntad kag wala na sia sing iban nga *ginakadtuan*?



Kon mapatay ang kalayo, wala ini sing *ginakadtuan*—napatay lang ini. Pareho man nga kon mapatay ang tawo, wala sia nagapadayon sa pagkabuhi sa iban nga paagi—wala na sia nagaluntad

Ang kamatayon pareho sa pagtulog sing mahamuok nga wala nagadamgo.

(Tan-awa ang kapitulo 6 sang libro nga *GINATUDLO SANG BIBLIA*, parapo 7, 8.)

Basaha ang Juan 11:1-14.

Sa banta mo, ngaa nagsiling si Jesus nga ang kamatayon pareho sa pagpahuway?

Basaha ang Binuhatan 7:60 kag 1 Corinto 15:6.

Base sa sini nga mga bersikulo, paano kita makasiling nga ang kamatayon pareho sa pagtulog?

Nalipay ka bala sang nabal-an mo ang matuod nga nagakatabo kon mapatay kita? Ngaa?

3

IPAATHAG ANG IMO GINAPATIHAN

KON MAY MAGSILING...

Ang kalag nagagua sa lawas kon mapatay kita.

MAHIMO KA MAGSABAT...

Daw amo gid man sina ang ginatudlo sang iban nga relihion. Pero lain ang akon pagpati kay...

Ano nga bersikulo ang puede mo ipabasa sa iya?

Base sa iya sabat, paano mo ipaathag ina nga bersikulo?

KON MAY MAGSILING...

Ginasunog sang Dios ang malaut nga mga tawo sa impierno.

MAHIMO KA MAGSABAT...

Tuod gid man nga silutan sang Dios ang mga malaut. Pero wala ako nagapati nga ginapaantos sila sang Dios sa mainit nga impierno kay...

Ano nga bersikulo ang puede mo ipabasa sa iya?

Base sa iya sabat, paano mo ipaathag ina nga bersikulo?
